

Kearifan Lokal Masyarakat Melayu Muslim Langkawi dalam Pelancongan Membantu Pelestarian Pembangunan Masyarakat

Local Wisdom of the Langkawi Muslim Community in Tourism Helps the Preservation of Community Development

ROSFAZILA BINTI ABD RAHMAN
ABDUL RAZIF ZAINI
NOVEL ANAK LYNDON

ABSTRAK

Masyarakat Melayu Langkawi mewarisi kearifan lokal dalam kegiatan pelancongan sejak Pulau Langkawi diisytiharkan sebagai Pulau Bebas Cukai pada 1984. Artikel ini ditulis untuk menjelaskan bentuk kearifan lokal dalam pelancongan yang dapat membantu pelestarian pembangunan masyarakat Islam dan sikap masyarakat Melayu Langkawi terhadap kepercayaan dan amalan dalam pelancongan. Data diperoleh melalui kajian lapangan dengan menggunakan kaedah temu bual dan pemerhatian. Data dianalisis secara deskriptif menurut perspektif kualitatif. Kearifan lokal dapat dilihat pada tiga fasa dalam pelancongan, iaitu fasa sebelum, semasa dan selepas pengisytiharan pulau pelancongan. Hasil kajian mendapati kepercayaan dan amalan dalam pelancongan mempunyai hubungan dengan pelestarian pembangunan masyarakat Islam. Antara amalannya ialah pemahaman maksud pelancongan, aktiviti, faedah, kesan, sumbangan dan juga aktiviti-aktiviti juga pekerjaan berkaitan pelancongan. Didapati juga terdapat tiga kelompok sikap informan terhadap kepercayaan dan amalan pelancongan. Kajian ini dapat menyumbang terhadap pemahaman kearifan lokal dalam pelancongan yang membantu pelestarian pembangunan masyarakat Islam dan penonjolan keunikan suatu masyarakat khususnya dalam bidang pelancongan.

Kata kunci: Kearifan lokal; masyarakat Melayu Langkawi; pelancongan; pelestarian pembangunan masyarakat Islam

ABSTRACT

The Langkawi Malay community inherited local wisdom in tourism activities since Pulau Langkawi was declared a Duty Free Island in 1984. This study was written to identify the form of local wisdom in tourism that can help preserve the development of the Muslim community and identify the attitude of the Langkawi Malay community towards the beliefs and practices within tourism. The data were obtained through field research using interview and observation methods. The data were analyzed descriptively based on a qualitative perspective. Local wisdom can be seen in three phases in tourism, namely the phase before, during and after the island tourism declaration. The findings show that beliefs and practices in tourism have links with the development of Islamic society. Among the practices are the understanding of tourism intentions, activities, benefits, impacts, contributions and activities as well as tourism-related occupations. There are also three groups of informal attitude towards tourism beliefs and practices. This study can contribute to the understanding of local wisdom in tourism that helps preserve the development of the Muslim community and promotes the uniqueness of a society, especially in the field of tourism.

Keywords: Local wisdom; Langkawi community; tourism; the preservation of Islamic society development

PENGENALAN

Etnik Melayu Langkawi (daripada dua perkataan Melayu dan Langkawi) dikenali sebagai masyarakat petani dan nelayan. Langkawi mempunyai kisah legenda berpanjangan yang tersimpul rapi dalam sejarahnya. Kisah tragik bermula dengan seorang perempuan cantik bernama Mahsuri, dengan sebuah kisah cinta, cemburu dan satu sumpahan yang telah dikenakan ke atas pulau ini olehnya selama tujuh

keturunan. Hari ini, generasi ketujuh penduduk Langkawi telah lama berlalu pergi, tetapi masyarakat di sini masih mempercayai bahawa kekayaan dan kesejahteraan yang dinikmati pulau itu kini dan sumpahan yang dikenakan bukanlah satu kebetulan. Mistisisme legenda ini boleh dirasai di banyak tempat di pulau ini, terutamanya di Makam Mahsuri (Mahsuri Mausoleum), tempat di mana Mahsuri disemadikan. Walaupun kelihatan seperti cenderung kepada pelancongan, kebanyakan penduduk pulau

ini bekerja sebagai petani, nelayan dan usahawan. Nama Langkawi ialah kombinasi antara “Lang” dan “Kawi.” “Lang” diambil daripada perkataan bahasa Melayu iaitu helang. Ini dapat dibuktikan dengan keberadaan burung-burung helang yang terbang bertebaran di kebanyakan tempat di Langkawi antaranya kawasan Kilim Geopark, Pulau Singa Besar dan seluruh kepulauan Langkawi. Langkawi juga menjadi habitat kepada sejumlah burung helang merah kawi. Kawi bererti merah hati, ini kerana helang tersebut mempunyai bulu merah hati dan berkepala putih. Kawi juga bererti tulisan Kawi, tulisan yang digunakan oleh masyarakat tradisi Hindu Jawa. Selain itu, Kawi juga merujuk kepada sejenis batu iaitu Batu Kawi atau batu kapur. Lambakan Batu Kawi terdapat di Langkawi. Patung Helang yang terdapat di Dataran Helang jika diteliti, juga dilihat sedang berdiri di atas Batu Kawi. “Kawi” dalam bahasa Sanskrit ialah guli, yang mana ditemui sebagai pertemuan bahagian Malaysia. Apabila kedua-dua perkataan digabungkan, membentuk perkataan “Helangkawi” yang kemudian menjadi Langkawi. Dipercayai bahawa Langkawi mendapat namanya daripada perkataan Langkasuka. Sumber-sumber sejarah tidak banyak tetapi mengikut satu rekod sejarah Dinasti Liang China (500 M) merujuk kerajaan itu sebagai “Langgasu” yang diasaskan pada kurun pertama Masihi. Rujukan lain dijumpai di dalam buku oleh Tun Mohamed Zahir yang bertajuk *The Legends of Langkawi* yang mana nama tersebut menggabungkan dua perkataan Sanskrit – “Langka” (keindahan) dan “Wi” (tidak terkira).

Gelaran Melayu Langkawi merujuk kepada penduduk peribumi yang tinggal di Langkawi dan kepulauannya. Artikel 160 Perlembagaan Malaysia mentakrifkan pelbagai istilah yang digunakan dalam Perlembagaan Malaysia. Menurut Perkara 160 (2) Perlembagaan Malaysia, orang Melayu itu mestilah beragama Islam, mengamalkan adat budaya Melayu, bertutur menggunakan bahasa Melayu dan lahir sebelum hari merdeka sama ada di Persekutuan atau Singapura, atau pada hari merdeka telah bermastautin di Persekutuan atau Singapura. Etnik Melayu Langkawi merupakan masyarakat yang beragama Islam, mengamalkan adat budaya Melayu, bertutur menggunakan bahasa Melayu dan lahir sebelum hari merdeka di Persekutuan. Etnik Melayu Langkawi merupakan masyarakat petani dan nelayan yang menjalankan kegiatan pelancongan. Etnik Melayu Langkawi dikatakan berasal dari Thailand, Semenanjung Tanah Melayu, Indonesia dan Timur Tengah (Turki).

Umumnya, kebanyakan masyarakat peribumi mewarisi kearifan lokal dalam pelbagai bidang sejak turun-temurun. Etnik Melayu Langkawi memiliki kearifan lokal dalam mengurus kegiatan pelancongan. Kearifan lokal yang dipraktikkan itu merupakan harta bernilai kepada komunitinya terutama dalam membantu kemapanan pembangunan masyarakat Islam. Minat untuk mempertahankan kearifan lokal kaum peribumi kian mendapat perhatian dan perjuangan daripada pergerakan-pergerakan yang membela hak kumpulan peribumi (Neilson Ilan Mersat & Spencer Empading Sanggin 2012). Neilson Ilan Mersat & Spencer Empading Sanggin menyebut bahawa Artikel 8 (j), *Convention on Biodiversity* (1992) di Rio telah mengiktiraf hak penduduk peribumi dalam mempertahankan kearifan lokal khususnya dalam pemuliharaan diversiti biologi, penggunaan komponen-komponen yang berterusan dan penggunaan sumber genetik untuk dikongsi bersama secara adil kepada komuniti.

Kearifan lokal berasal daripada dua perkataan, iaitu kearifan dan lokal. Kearifan lokal juga dikenali sebagai kearifan tempatan, pengetahuan tradisi dan kebijaksanaan asli, iaitu merupakan pengetahuan unik yang berkaitan dengan budaya suatu komuniti (Flavier 1995). Ahli-ahli antropologi seperti Koentjaraningrat (2000) dan Geertz (2008) mengatakan bahawa kearifan lokal itu mempunyai hubungan yang erat dengan kebudayaan tradisional sesuatu masyarakat. Zulkarnain dan Febriamansyah (Raden, Isman & Jajang 2001) mentafsirkan kearifan lokal sebagai prinsip dan cara tertentu yang dipegang, difahami dan digunakan oleh masyarakat lokal dalam berinteraksi dengan lingkungannya serta ditransformasikan dalam bentuk sistem nilai dan norma adat. Menurut Hornby (Alidri 2016), kearifan itu dibangunkan dan berkembang secara spontan dalam masyarakat atau zaman tertentu. Kearifan itu diguna untuk membangunkan norma dan peraturan yang dipandu oleh penggunaan dan pengurusan sumber. Dalam konteks artikel ini, kearifan lokal dikonseptualkan sebagai suatu bentuk pengetahuan, gagasan, nilai murni, tertanam dalam budaya komuniti, dipercayai dan menjadi rujukan untuk bertindak dalam penggunaan sumber khususnya dalam pelestarian pembangunan masyarakat Islam.

SKOP DAN METODOLOGI

Artikel ini bertujuan untuk mengenal pasti bentuk kearifan lokal dalam pelancongan yang dapat membantu pelestarian pembangunan masyarakat

Islam dan mengenal pasti sikap masyarakat Melayu Langkawi terhadap kepercayaan dan amalan pelancongan. Kajian kualitatif ini memberi fokus untuk mendapatkan pemahaman yang lebih baik tentang fenomena yang belum diketahui. Kemudiannya kajian ini dijelaskan dalam bentuk deskriptif, iaitu menerangkan sesuatu fenomena berdasarkan perspektif peserta kajian. Data yang dikumpul dianalisis dan diinterpretasi bagi melihat hubungan dan perkaitan antara dimensi-dimensi yang timbul. Data makalah ini diperoleh melalui kajian lapangan dengan menggunakan kaedah temu bual dan pemerhatian. Temu bual dilakukan secara bersemuka dalam bentuk kumpulan. Kaedah pemerhatian pula dilakukan untuk melihat persekitaran sebenar lokasi kajian. Temu bual telah dirakam menggunakan alat perakam. Selain rakaman visual, foto statik juga telah diambil untuk penelitian selanjutnya. Penulis menghubungi informan terlebih dahulu sebelum temu bual dijalankan. Seramai 20 orang informan berumur antara 35 hingga 85 tahun yang terdiri daripada 10 lelaki dan 10 perempuan telah dijadikan sebagai sampel kajian. Lokasi kajian memainkan peranan penting dalam menjawab soalan dan objektif kajian kerana ciri-ciri kajian berada di lokasi tersebut. Lokasi kajian melibatkan 6 mukim iaitu Ayer Hangat, Bohor, Kedawang, Ulu Melaka, Padang Mat Sirat dan Kuah.

JADUAL 1. Demografi informan

Informan	Jantina	Kampung	Pekerjaan	Umur
AH1	L	Ayer Hangat	Nelayan	70
AH2	P	Ayer Hangat	Peniaga	73
AH3	P	Ayer Hangat	Petani	81
AH4	P	Ayer Hangat	Hotel	40
B1	L	Bohor	Petani	50
B2	L	Bohor	Peniaga	51
B3	P	Bohor	Swasta	49
KD1	P	Kedawang	Hotel	49
KD2	P	Kedawang	Petani	74
KD3	L	Kedawang	Nelayan	52
UM1	L	Ulu Melaka	Petani	54
UM2	P	Ulu Melaka	Suri Rumah	56
UM3	L	Ulu Melaka	Kerajaan	57
PM4	P	Padang Matsirat	Peniaga	58
PM5	L	Padang Matsirat	Sendiri	65
PM6	P	Padang Matsirat	Hotel	43
KU7	L	Kuah	Peniaga	55
KU8	L	Kuah	Kerajaan	48
KU9	L	Kuah	Swasta	32
KU10	L	Kuah	Peniaga	61

Sumber: Temu bual 2018

PERBINCANGAN KAJIAN

Keenam-enam Mukim tersebut didiami majoriti oleh masyarakat Melayu Langkawi yang kebanyakannya terdiri daripada petani, nelayan, peniaga, bekerja kerajaan, swasta dan bekerja sendiri, pekerja hotel juga suri rumah. Terdapat banyak persamaan bentuk kearifan lokal dalam bidang pelancongan yang diamalkan oleh penduduk di sini memandangkan mereka berasal dari keluarga bahasa dan tradisi budaya yang sama selain daripada mengalami sejarah penghijrahan masa lampau, iaitu berasal dari Thailand (Henry Bating 2002; Low 2005). Persamaan-persamaan lahiriah dan cara berfikir penduduk mukim-mukim tersebut membentuk pengetahuan tradisi yang saling berintegrasi. Mereka mengusahakan tanah warisan nenek moyang dan secara tidak langsung mempraktikkan pengetahuan tradisi dalam kegiatan pelancongan.

KEARIFAN LOKAL DALAM PELANCONGAN DAN HUBUNGANNYA DENGAN PELESTARIAN PEMBANGUNAN MASYARAKAT ISLAM

Masyarakat Melayu Langkawi mempunyai kearifan lokal dalam pelancongan khususnya dalam aktiviti-aktiviti pelancongan. Kearifan tersebut tergambar melalui fasa-fasa pekerjaan, aktiviti harian dan persekitaran. Amalan pelancongan dan kepercayaan dalam pelancongan yang dijalankan oleh nenek moyang masyarakat Melayu Langkawi pada suatu ketika dahulu adalah antara kearifan lokal yang menjadi pemangkin kepada pelestarian pembangunan masyarakat Islam. Amalan pelancongan tersebut meliputi mengetahui asal usul dan latar belakang diri dan keluarga, memahami sejarah Mahsuri dan Langkawi, menghargai persekitaran (pantai, sawah bendang, tapak rumah dan dusun), menjaga baik harta warisan (artifak), mengamalkan budaya tempatan, menghormati tetamu, tidak membuat kerosakan dan pencemaran, mencari ilmu, menghormati ketua, memberi kerjasam baik dan *cari kerja*. Amalan-amalan tersebut adalah merupakan amalan pelancongan yang masih dipraktikkan sehingga kini.

Mengetahui asal usul dan latar belakang merujuk kepada keadaan di mana informan mengetahui salah silah keturunan, asal usul diri, keluarga dan keturunan masing-masing. Contohnya salah seorang informan mampu menyatakan susur galur keturunannya dari Turki dan Siam (Thailand) juga Perak (Banjar). Setelah itu, informan juga mahir juga memahami secara mendalam aspek persejarahan khususnya kisah sumpahan 7 keturunan Mahsuri dan juga kisah-

JADUAL 2. Kearifan lokal pada amalan pelancongan

Bil	Bentuk Kearifan Lokal	Keterangan
1	Mengetahui asal usul dan latar belakang	Mengetahui asal usul dan latar belakang diri dan keluarga
2	Memahami sejarah	Memahami sejarah Mahsuri dan Langkawi
3	Menghargai persekitaran	Pantai, sawah bendang, tapak rumah dan dusun
4	Menjaga baik harta warisan	Artifak
5	Mengamalkan budaya tempatan	Mengamalkan adat-istiadat dan budaya tempatan
6	Menghormati tetamu	Menghormati tetamu/pengunjung/pelancong
7	Tidak membuat kerosakan dan pencemaran	Tidak
8	Mencari ilmu	Menuntut ilmu dan belajar
9	Menghormati ketua	Menghormati orang tua, ketua, pemimpin
10	Memberi kerjasama baik	Memberi kerjasama dan menyokong aktiviti pelancongan.
11	<i>Cari kerja</i>	Amalan pelancongan pencarian kerja baharu untuk pelancongan

Sumber: Temu bual 2018

kisah lagenda tempatan seperti sejarah tempatan asal usul nama mukim-mukim seperti kedawang/Kedai Awang, Ayer Hangat dan Belanga pecah serta Kuah daripada cerita Rakyat Pergaduhan Mat Raya dan Mat Cincang (Nama Gunung di Langkawi) di majlis perkahwinan anak-anak mereka. Amalan ini berhubung rapat dengan mitologi primitif yang mempercayai campur tangan *supernatural* dalam mengatur asal usul serta kelangsungan masyarakat Langkawi yang menjalankan kegiatan pelancongan di kawasan tersebut.

Amalan menghargai persekitaran lazimnya merujuk kepada keadaan masyarakat Melayu Langkawi yang menghargai pantai-pantai, sawah bendang, tapak rumah dan juga dusun milik mereka. Lazimnya, persekitaran ini mempunyai hak milik yang menjadi tanggungjawab individu juga masyarakat untuk menjaganya. Selepas itu, masyarakat Langkawi juga amat menjaga baik harta warisan keluarga masing-masing. Kebiasaannya ajaran, warisan juga barangan juga artifak dijaga dan diperturunkan turun-temurun kepada generasi baru. Informan ada menyimpan artifak seperti barangan tembaga, keris, tombak, tepak sirih juga pakaian lama sebagai harta warisan keluarga.

Selain itu, mereka juga mengamalkan budaya tempatan seperti mengamalkan adat istiadat dan budaya tempatan khususnya yang melibatkan rutin harian, perkara kelahiran, kematian, keraian juga perayaan. Masyarakat Melayu Langkawi percaya bahawa *Jikay* adalah budaya lama tempatan yang menjadi kebanggaan golongan lama dalam bidang pelancongan. Masyarakat Langkawi juga amat menghormati tetamu juga pelancong. Mereka hidup dengan cara hidup sendiri tetapi amat menghormati kepelbagaian latar pelancong yang

datang ke Langkawi. Mereka tidak mengganggu aktiviti pelancong malah sangat mesra menyapa dan memberikan bantuan. Contohnya informan membantu menunjuk jalan kepada pelancong yang berhenti bertanyakan jalan ke destinasi pelancongan.

Keadaan topografi pulau pelancongan yang berpantai, berbukit bukau juga tanah pamah menjadikan mereka sangat menghargai persekitaran dan tidak membuat kerosakan juga pencemaran. Masyarakat Melayu Langkawi menggunakan kearifan lokal bergotong-royong iaitu beramai-ramai membersihkan kawasan secara berkala. Setiap generasi disarankan supaya mengambil tahu hal dan keadaan berkaitan pelancongan contohnya aktiviti-aktiviti, tempat-tempat pelancongan juga perkara-perkara berkaitan dengannya. Sekiranya kawasan pelancongan mereka terletak berhampiran dengan pantai, masyarakat dituntut supaya cakna, belajar dan menuntut ilmu berkaitan pelancongan tepi pantai.

Masyarakat Melayu Langkawi juga mengamalkan sikap menghormati ketua seperti orang tua, ketua tempat kerja dan pemimpin masyarakat juga Imam dan ahli kariah masjid. Mereka juga memberi kerjasama baik dan menyokong aktiviti pelancongan. Masyarakat di sini juga mencari kerja/pekerjaan dalam sektor pelancongan. Masyarakat di sini melihat dan memahami pelancongan sebagai aktiviti kemasukan pelancong tempatan dan antarabangsa ke Langkawi bagi tujuan bercuti dan makan angin. Justeru mereka melibatkan diri dalam aktiviti-aktiviti ekonomi seperti perhotelan, perniagaan dan perkhidmatan berkaitan pelancongan. Hubungan masyarakat Melayu Langkawi dengan alam dan aktiviti pencongan agak akrab dan unik. Warisan daripada kepercayaan bahawa sumpahan Mahsuri telah tamat dan masa untuk Langkawi maju telah

tiba melalui sektor pelancongan kerana faktor topografi juga lagenda Mahsuri itu sendiri. Bentuk kearifan lokal yang menjadi amalan komuniti Melayu Langkawi dalam pelancongan merupakan alternatif lokal yang dapat membantu pelestarian pembangunan masyarakat Islam. Kebanyakan amalan pelancongan tersebut masih dipraktikkan sehingga kini kerana masih relevan dengan persekitaran petempatan mereka. Permasalahan sosial seperti kejutan budaya, perubahan gaya hidup dan sebagainya memerlukan pengintegrasian di antara pengekalan budaya dan pegangan agama, pembaharuan/kemodenan serta kearifan lokal bagi mengurangkan risiko.

SIKAP MASYARAKAT MELAYU LANGKAWI
TERHADAP KEPERCAYAAN DAN AMALAN
PELANCONGAN DALAM AKTIVITI
PELANCONGAN

Sikap berkaitan dengan persepsi terhadap apa yang terjadi; Lambert dan Lambert (1973) yang dipetik

dalam Lam Kai Chee dan Kamila Ghazali (2012) merujuk sikap atitud sebagai satu bentuk pemikiran, perasaan dan tindak balas yang tersusun dan konsisten ke atas individu, kumpulan, isu-isu mahupun apa-apa sahaja peristiwa yang berlaku di kawasan persekitaran. Kepercayaan dan amalan pelancongan terangkum dalam konseptual budaya ideal ataupun budaya bukan kebendaan (Koentjaraningrat 2000; Budi Anto 2013). Kepercayaan menurut Schaefer (2006) yang dipetik dalam Yusten Karulus (2013: 172), bermaksud pernyataan atau perkara yang menjadi pegangan teguh seseorang penganut. Amalan pelancongan pula merujuk kepada amalan, tanggungjawab, kelakuan atau upacara teratur yang dilakukan oleh masyarakat. Jadual 5 menjelaskan sikap informan terhadap kepercayaan dan amalan pelancongan dalam pelancongan yang dapat melestarikan alam.

Sikap informan terhadap kepercayaan dan amalan pelancongan dalam pelancongan dapat dibahagikan kepada tiga kelompok, iaitu kelompok tradisional yang masih berpegang kepada kepercayaan dan amalan

JADUAL 3. Kearifan lokal pada amalan pelancongan

Info	Sikap Terhadap Kepercayaan dan Amalan pelancongan
AH1	...saya masih mempercayai kepercayaan dan amalan pelancongan dalam pelancongan. Namun begitu, amalan pelancongan mungkin kita boleh. Harmonikan dengan situasi semasa.
AH2	Saya hidup macam biasa, dari dulu sampai la..tapi saya tau pelancongan tu apa.
AH3	Pada saya, tidak salah percaya akan kepercayaan dan amalan pelancongan sedia ada. Saya masih tahu amalan pelancongan itu tetapi saya tidak lagi mengamalnya. Saya pun sudah tua.
AH4	Saya tidak melihat ada lagi amalan pelancongan seperti <i>gotong-royong</i> dan sebagainya. Kalau aktiviti hidup biasa dan lain-lain itu memang saya masih jalankan kerana itulah rutin harian saya...cari makan
B1	Saya tau Langkawi ni pulau pelancongan, saya tak dak masalah pasai tu, hidup diteruskan, apa yang baik kita teruskan, tengok yang baik-baik sahaja untuk anak bini untuk masa depan.
B2	Amalan pelancongan ada kaitan dengan hidup saya sehari-hari... <i>no problem....</i>
B3	Dari orang tua-tua dulu sampai la, kita paham Langkawi ni tempat orang suka mai, kita ok ja.
KD1	Seronok dok Langkawi ni, pulau dia kecik, cantik, kita dari dulu dulu memang hidup aman damai tapi la ni dah tak ramai yang bertani, nelayan, bendang pun dah banyak kena tambun, depa buat rumah, buat homestay...
KD2	Saya rasa generasi lama dulu dah ada aktiviti dan amalan pelancongan depa...generasi la ni lebih <i>advance</i> .
KD3	Tradisional ka moden ka...Langkawi memang lebih maju dari dulu, mungkin berkat amalan orang-orang lama.
UM1	Saya tidak sempat melihat amalan pelancongan di kampung ini.
UM2	Saya ingat amalan pelancongan-amalan dan aktiviti pelancongan. Aktiviti biasa kami sekeluarga ialah berkelah di pantai. (ketawa).
UM3	Saya hargai apa yang Langkawi ada la ni.
UM4	Saya pun sependapat dengan UM2.
PM5	Saya masih sempat melihat amalan pelancongan seperti kerjasama, gotong royong, layan pelancong daripada ibu bapa saya tapi saya rasa kepercayaan dan amalan pelancongan seperti itu memanglah sesuai diamalkan pada hari ini.
PM6	Saya sangat menyokong pengetahuan yang diajar oleh nenek moyang kita dalam pelancongan. Kalau kepercayaan dan amalan pelancongan itu diikuti mungkin tidak banyak kerosakan.
PM7	Orang Langkawi baguih-baguih cuma kita kena selalu berpegang dengan agama, budaya nenek moyang kita, jangan dok terpengaruh dengan budaya mat salleh pulak.
TG8	Pelancongan sangat membantu menambah baik sosio ekonomi masyarakat tempatan.
KU9	Saya orang muda. Tapi saya tahu amalan yang dulu-dulu. Saya ikut apa yang kebiasaan orang kampung buat.
KU10	Saya kerja hotel, ok ja bagi makan anak bini dengan duit gaji saya, saya seronok.

Sumber: Temu bual 2018

pelancongan, percaya akan kepercayaan dan amalan pelancongan tradisional tetapi tidak mengamalkannya (golongan tua), kelompok moden yang percaya akan kepercayaan dan amalan pelancongan tradisional, masih menghargai orang yang mengamalkannya dan percaya dan berusaha meneruskan usaha untuk terus kerkecimpung dalam bidang pelancongan (golongan muda). Kelompok ketiga adalah kelompok

yang sudah tidak berpegang kepada kepercayaan dan amalan pelancongan namun percaya akan kepercayaan dan amalan pelancongan tradisional tetapi tidak mengamalkannya malah hanya memberi perhatian kepada kelangsungan hidup semata-mata tanpa menghiraukan aspek pelancongan. Analisis sikap tersebut dapat ditunjukkan dalam Jadual 4.

JADUAL 4. Analisis sikap terhadap kepercayaan dan amalan pelancongan

Sikap	Informan	Bilangan	Peratus
Masih berpegang kepada kepercayaan dan amalan pelancongan tradisional tetapi tidak mengamalkan	AH1 AH2	2	10%
Percaya akan kepercayaan dan amalan pelancongan tradisional dan mengamalkannya	B1, B3 KD6, KD7 KD8, KD10 UM4, KD1 KD2, KD3 PM1, PM2 PM3, PM4 KU5, KU9	16	80%
Percaya akan kepercayaan dan amalan pelancongan tradisional tetapi tidak mengamalkannya	B2 KU3	2	10%

Sumber: Temu bual 2018

Paparan analisis sikap terhadap kepercayaan dan amalan pelancongan dalam pelancongan menunjukkan bahawa usia dan pengalaman informan tidak mencerminkan kedudukan kelompok mereka. Hal ini bertentangan dengan hukum kelaziman yang mengandaikan informan berusia dan berpengalaman tentang kepercayaan dan amalan pelancongan tradisional akan berpegang teguh kepada kepercayaan dan amalan pelancongan tradisional berbanding dengan usia yang lebih muda dan kurang pengalaman berkaitan perkara tersebut. Misalnya, informan AH3 berusia 81 tahun yang berpengalaman berkaitan kepercayaan dan amalan pelancongan tradisional namun tidak dapat lagi mengamalkannya kerana faktor usia. Namun informan KU10 berusia 32 tahun pula mengetahui tentang amalan pelancongan warisan malah juga optimis mengamalkannya dalam kehidupan seharian. Kelompok informan yang menyatakan sikap mereka sebagai percaya akan kepercayaan dan amalan pelancongan tradisional, iaitu seramai 16 orang (80%) adalah atas alasan faktor kelangsungan. Kebanyakan mereka tidak meninggalkan kepercayaan pelancongan yang diamalkan oleh nenek moyang dengan mengamalkan ajaran-ajaran tersebut dalam kehidupan harian. Mereka berpendapat bahawa kepercayaan dan amalan pelancongan tradisional itu sangat baik dan wajar diteruskan.

KESIMPULAN

Berdasarkan perbincangan kajian, kajian ini memberi implikasi kepada pengekaln keunikan budaya dalam sesebuah masyarakat khususnya dalam bidang pelancongan. Kearifan lokal yang ditonjolkan dalam bidang pelancongan bukan sekadar penentuan dalam pembangunan tamadun manusia semata-mata tetapi merentas keperluan terhadap organisma seperti manusia, tumbuh-tumbuhan, haiwan dan makhluk-makhluk lain-lain yang dipercayai mengikut kepercayaan masing-masing. Manusia yang diberi kelebihan akal oleh Tuhan harus bertanggungjawab menjaga keharmonian dan kesejahteraan sesama hidupan dan komponen bukan hidupan di persekitarannya demi pelestarian pembangunan masyarakat Islam. Kajian ini juga penting untuk mengenal pasti bentuk-bentuk kearifan lokal masyarakat Melayu Langkawi masa kini dalam aktiviti pelancongan yang dilihat masih signifikan dalam pelestarian pembangunan masyarakat Islam. Kearifan lokal yang bernilai tinggi dengan kos pengendalian yang rendah dapat dijadikan modal contoh untuk pembangunan pelestarian pembangunan masyarakat Islam sekitar di negara kita. Kearifan lokal yang bernilai sederhana pula boleh ditransformasikan ke dalam bentuk budaya teknologi desa sebagai

cadangan pelancongan warisan. Idea-idea praktikal dalam kearifan lokal seperti yang dilakukan oleh masyarakat Baduy di Indonesia (Raden, Isman & Jajang 2011), masyarakat Isaan di Timur Laut Thailand (Mungmachon 2012), masyarakat Lugbara di Uganda (Alidri 2016) dan sebagainya perlu dijadikan contoh untuk meneruskan kearifan lokal yang diwarisi.

Rumusannya, kearifan lokal pada amalan pelancongan dan sikap terhadap kepercayaan dan amalan pelancongan memaparkan kearifan lokal masyarakat Melayu Langkawi. Pengetahuan dan pengalaman mereka terhadap pelancongan menjadikan mereka arif memilih idea untuk aktiviti/pekerjaan dan sekaligus membantu pelestarian pembangunan masyarakat Islam. Setiap aktiviti disusun dengan teratur, penuh adab dan bijaksana serta mampu mempengaruhi semua komuniti untuk mengikutnya. Gagasan yang diungkap dan dipraktikkan itu juga melambangkan bahawa masyarakat Melayu Langkawi berupaya membuat pertimbangan yang adil kepada semua pekerjaan dan aktiviti melibatkan pelancongan demi kepentingan bersama. Aktiviti-aktiviti dalam pelancongan yang tidak bercanggah dengan agama perlu dipertahankan kerana mempunyai nilai-nilai kolektif yang membantu meningkatkan pembangunan masyarakat. Kearifan lokal juga mampu melengkapi sains dan teknologi kerana kedua-duanya berdasarkan tujuan pemikiran yang sama dan selari, iaitu untuk menyelesaikan masalah kekomunitian yang dihadapi oleh manusia demi keharmonian dan kesejahteraan masyarakat (Alidri 2016).

RUJUKAN

- Alidri, A. 2016. Traditional Wisdom in Land Use and Resource Management Among the Lugbara of Uganda: A Historical Perspective. SAGE, 1-13. doi:10.1177/2158244016664562
- Bernard T. Wahyu Wiranta. 2010. *Baja Kompas untuk Tanaman Hias*. Kuala Lumpur: Synergy Media.
- Budi Anto Mohd. Tamring. 2013. Sistem Nilai Etnik atau Nilai Budaya: Value Laden versus Fact Laden. Dalam Saidatul Nornis Mahali (ed.). *Nilai dan Norma Masyarakat di Sabah* (hlm. 1-22). Kota Kinabalu: Universiti Malaysia Sabah.
- Dayu Sansalu. 2008. *Melayu Langkawi di Sabah Pendidikan dan Proses Pemodenan 1881-1967*. Kuala Lumpur: Dewan Bahasa dan Pustaka.
- Flavier, J.M. 1995. The Regional Program for the Promotion of Indigenous Knowledge in Asia. Dlm. *The Cultrual Dimension of Development: Indigenous Knowledge System*, disunting oleh Warren D.M, Slikkerveer L.J dan Brokensha, D., 479-489. London: intermediate Technology Publications.
- Geertz, C. 2008. *Tafsiran Budaya*. (Rohani Sulaiman, Penterj.). Kuala Lumpur: Institut Terjemahan Negara Malaysia Berhad.
- Hanafi Hussin. 2005. Amalan pelancongan Padi Komuniti Kadazan Dataran Penampang, Sabah. *Jati* 10: 171-203.
- Henry Bating, sunt. 2002. *Nunuk Ragang Legenda Asal-usul Melayu Langkawi*. Ranau: Penyelaras KDCA Ranau.
- Koentjaraningrat. 2000. *Kebudayaan Mentalis dan Pembangunan*. Jakarta: PT Gramedia Pustaka Utama.
- Lam Kai Chee & Kamila Ghazali. 2012. "Saya Suka Tapi Tak Bangga" – Satu Kajian Sikap Bahasa. GEMA online TM *Journal of Language Studies* 12(1): 275-293.
- Lokman Abdul Samad. 2009. Sundait. *Etnik* 2(3): 32-33.
- Low Kok On. 2005. *Membaca Mitos dan Lagenda Melayu Langkawi*. Bangi: Penerbit Universiti Kebangsaan Malaysia.
- Low Kok On, Janathan Kandok, Rosliah Kiting, Sim Chee Cheang & Saidatul Nornis. 2013. *Teka-teki Warisan Peribumi Sabah Terpilih Konteks, Fungsi dan Pengkategorian*. Kota Kinabalu: Universiti Malaysia Sabah.
- Minah Sintian, Julita Taisin, Ani Omar & Siti Nor Amalina Ahmad Tajuddin. 2018. *Kearifan Lokal Masyarakat Kadazandusun dalam Pertanian Membantu Pelestarian Alam*. Persidangan Antarabangsa Sains Sosial dan Kemanusiaan PASAK 3, KUIS. Selangor.
- Minah Sintian. 2013. *Kepercayaan dan Amalan Masyarakat Kadazandusun dalam Pemeliharaan Alam Sekitar*. Prosiding dan dari Persidangan Intelktual Kebangsaan Malaysia. Tanjung Malim: Fakulti Sains Kemanusiaan, Universiti Pendidikan Sultan Idris.
- Mungmachon, R. 2012. Knowledge and Local Wisdom: *Community Treasure*. *International Journal of Humanities and Social Science* 2(13): 174-181. Retrieved from www.ijhssnet.com/journals/Vol_2_No_13_July_2012/18.pdf
- Neilson Ilan Mersat dan Spencer Empading Sanggin. (2012, November). *Migrasi, Identiti dan Kearifan Tempatan: Kaum Iban di Sabah, Malaysia*. Prosiding dari Simposium Bahasa dan Budaya Iban dan Folklor Malaysia, Fakulti Bahasa Komunikasi, UPSI.
- Pugh-Kitingan, Jacqueline. 2012. *Kadazan Dusun*. Kuala Lumpur: Institut Terjemahan & Buku Malaysia.
- Raden Cecep Eka Permana, Isman Pratama Nasution dan Jajang Gunawijaya. 2011. Kearifan lokal tentang mitigasi bencana pada masyarakat Baduy. *Makara, Sosial Humaniora* 15(1): 67-76.
- Reid, A. 1997. Endangered Identity: Kadazan or Dusun in Sabah. *Journal of Southeast Asian Studies* 28: 120-135.
- Rutter, O. (Reprinted). 1985. *The Pagans of North Borneo*. Singapore: Oxford University Press.

Richard T. Schaefer. 2006. *Sociology*. New York; London: McGraw-Hill.

Yusten Karulus. 2013. Kepercayaan, Ritual dan Pantang Larang Masyarakat Lundeyah Long Pasia. Dlm. *Nilai dan Norma Masyarakat di Sabah*, disunting oleh Saidatul Nornis Mahali, 169-194. Kota Kinabalu: Universiti Malaysia Sabah.

Rosfazila Binti Abd Rahman
Jabatan Kenegaraan dan Pengajian Ketamadunan
Pusat Pengajian Teras
Kolej Universiti Islam Antarabangsa Selangor (KUIS)
Bandar Seri Putra, 43000 Kajang, Selangor darul Ehsan
Malaysia
Email: rosfazila@kuis.edu.my

Abdul Razif Bin Zaini
Pusat Pendidikan Isesco Di Malaysia
Pusat Latihan KUIS (PLK),
Kolej Universiti Islam Antarabangsa Selangor (KUIS),
Bandar Seri Putra, 43000 Kajang, Selangor Darul Ehsan
Malaysia
Email: abdulrazif@kuis.edu.my

Novel Anak Lyndon
Social, Environmental and Developmental Sustainability
Research Centre (SEEDS)
Faculty of Social Sciences and Humanities
National University of Malaysia
43600 UKM Bangi, Selangor
Malaysia
Email: novel@ukm.edu.my